

Temeljem članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona", broj: 7/10.), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 131. sjednici, održanoj dana 24.11.2021. godine, d o n o s i

ZAKLJUČAK

I.

Prihvaća se Mišljenje Ministarstva za obrazovanje, nauku, kulturu i sport, doneseno po Prijedlogu skupštinskog zastupnika Jasmina Duvnjaka, za Program rada Skupštine Kantona za 2022. godinu za i čini sastavni dio ovog zaključka

II.

Zaključak sa Mišljenjem iz tačke I. dostavlja se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 24.11.2021. godine
Zenica

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

U vezi s aktom Stručne službe Skupštine Zeničko-dobojskog kantona, broj: 10-30-13548-5-1/21. od 16. 11. 2021. godine, u dijelu koji se odnosi na podneseni Prijedlog skupštinskog zastupnika Jasmina Duvnjaka, koji se odnosi na donošenje Zakona o izmjenama i dopunama Zakona o sportu, te donošenja Zakona o estradnoj djelatnosti, resorno ministarstvo daje sljedeće:

MIŠLJENJE

Kada je u pitanju prijedlog donošenja Zakona o izmjenama i dopunama Zakona o sportu, naglašavamo da je u sklopu redovnih aktivnosti Ministarstva za obrazovanje, nauku, kulturu i sport donošenje navedenog Zakona već planiran, te će kao takav biti i Programom rada Vlade i Skupštine Zeničko-dobojskog kantona za 2022. godinu.

Nadalje vezano za Prijedlog donošenja Zakona o estradnoj djelatnosti smatramo da prijedlog nije moguće prihvatiti iz razloga što na području Zeničko-dobojskog kantona ne postoji adekvatan obim djelovanja udruge koja bi na kantonalnoj razini provodila odluke Zakona o estradnoj djelatnosti i koja bi vršila javne ovlasti u tom smislu.

Naime promatrajući zakonsku regulativu iz ove oblasti u Bosni i Hercegovini vidljivo je da su istim obuhvaćene aktivnosti koje su definirane Zakonom o udruženjima i fondacijama Federacije BiH („Službene novine Federacija BiH“, broj: 45/02), te Zakonom o samostalnim umjetnicima Zeničko-dobojskog kantona („Službene novine Zeničko-dobojskog kantona“, broj: 2/05). Sukladno tome možemo konstatirati i to, da poslovanje, organiziranje i posredovanje u javnom izvođenju estradnih programa su svakako definirani i uređeni drugim zakonskim propisima, te da donošenje Zakona o estradnoj djelatnosti u Zeničko-dobojskom kantonu ne bi donijelo nove odredbe koji već nisu određene u prethodno navedenim zakonima.

Međutim, uvažavajući prijedlog zastupnika Duvnjaka, naglašavamo da je u tijeku procedura oko izrade Strategije kulturne politike na području Zeničko-dobojskog kantona koja će, nakon izvršenih svih analiza stanja u oblasti kulture, dati jasan put kulturne politike na području Zeničko-dobojskog kantona i kroz eventualne izmjene određenih zakonskih odredaba.